



Broj: 02-04-58443-1/25
Sarajevo, 26.12.2025. godine

PREDSJEDAVAJUĆI SKUPŠTINE KANTONA SARAJEVO
ZASTUPNICI SKUPŠTINE KANTONA SARAJEVO

PREDMET: Stav na Amandman Kluba zastupnika Stranke Za Bosnu i Hercegovinu na prijedlog Zakona o usmjeravanju sredstava za pomoć u sanaciji klizišta prikupljenih po osnovu posebne naknade-skraćeni postupak

Na **140. vanrednoj** sjednici Vlade Kantona Sarajevo održanoj **26.12.2025.** godine, a u funkciji pripreme **28.** Radne sjednice Skupštine Kantona Sarajevo, razmatran je amandman kluba zastupnika u Skupštini Kantona Sarajevo po materijalu koji se nalazi na dnevnom redu navedene sjednice, i to:

1. Amandman Kluba Stranke Za Bosnu i Hercegovinu u Skupštini Kantona Sarajevo,

Nakon razmatranja amandmana kluba zastupnika u Skupštini Kantona Sarajevo, Vlada Kantona Sarajevo zauzela je sljedeće

S T A V
NA AMANDMAN KLUBA ZASTUPNIKA STRANKE ZA BOSNU I HERCEGOVINU NA
PRIJEDLOG ZAKONA O USMJERAVANJU SREDSTAVA ZA POMOĆ U SANACIJI
KLIZIŠTA PRIKUPLJENIH PO OSNOVU POSEBNE NAKNADE

AMANDMAN I

U prijedlog Zakona o usmjeravanju sredstava za pomoć u sanaciji klizišta prikupljenih po osnovu posebne naknade, U članu 3. Zakona, tekst se mijenja i glasi:

Član 3.-Namjena sredstava posebne naknade

Sredstva posebne naknade Vlada Kantona Sarajevo usmjerava na:

- a) sanaciju klizišta na području jedinica lokalne samouprave u Kantonu Sarajevo;
- b) sanaciju klizišta na području jedinica lokalne samouprave izvan Kantona Sarajevo, ukoliko je isto uzrok štetnih posljedica nastalih na imovini Kantona Sarajevo ili uzrokuje štetne posljedice po živote, zdravlje i materijalna dobra stanovnika Kantona Sarajevo;

c) sanaciju klizišta na području jedinica lokalne samouprave u Kantona Sarajevo i izvan njega, koja još nisu uzrokovala štetne posljedice po imovinu, živote, zdravlje i materijalna dobra stanovnika Kantona Sarajevo, ali predstavljaju neposrednu prijetnju njihovog nastanka i imaju izražen visok stepen ugroženosti stanovništva, imovine i infrastrukture, utvrđen stručnom procjenom rizika i relevantnim aktima nadležnih organa.

Obrazloženje

Postojeća formulacija člana 3. ne omogućava usmjeravanje i korištenje sredstava u preventivne svrhe niti jasno normativno razlikuje klizišta koja su već prouzrokovala štetne posljedice od onih koja predstavljaju ozbiljnu prijetnju njihovom nastanku. Nedovoljna preciznost onemogućava usmjeravanje sredstava za preventivno djelovanje nadležnih organa i time sprječava ostvarenje svrhe zakona.

Tačka c) uvodi preventivni mehanizam kojim se omogućava sanacija klizišta koja još nisu prouzrokovala štetu, ali predstavljaju realnu i neposrednu prijetnju njenom nastanku. Uslov izraženog visokog stepena ugroženosti, zasnovan na stručnoj procjeni rizika od strane nadležnih organa, sprječava proizvoljno odlučivanje i osigurava da se sredstva koriste isključivo u objektivno opravdanim slučajevima.

Stav predlagača:

Amandman se ne prihvata.

Obrazloženje:

Članom 158. Poslovnika Skupštine Kantona Sarajevo („Službene novine Kantona Sarajevo”, broj: 41/12 - Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22 - Ispravka i 47/24) nije predviđena mogućnost podnošenja amandmana na prijedloge zakona, po skraćenom postupku.



Dostaviti:

1. Predsjedavajući Skupštine Kantona Sarajevo,
2. Skupština Kantona Sarajevo,
3. Zamjenici predsjedavajućeg Skupštine Kantona Sarajevo (3x),
4. Sekretar Skupštine Kantona Sarajevo,
5. Premijer Kantona Sarajevo,
6. Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo,
7. Evidencija,
8. A r h i v a.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-000, Fax: + 387 (0) 33 562-076
Web: <http://vlada.ks.gov.ba>, E-mail: vlada@vlada.ks.gov.ba